

ԼՈՒՍԱՎԱՆ ԱՐԴՅՈՒՆԱՐԵՐԱԿԱՆ ԿՆՆՏՐՈՆԻ ՍՏԵՂԾՈՒՄԸ

Գ. Ք. ՍԻՄՈՆՅԱՆ

Լուսավանը (այժմ Զարենցավան) հիմնադրվել է Գյումուշի հիդրոէլեկտրակայանի կառուցման շրջանում, 1946—1952 թթ.։ Հիդրոկայանի շրջակա բնակավայրերը չէին կարող բավականաչափ բանվորական ուժ տրամադրել կառույցին, և անհրաժեշտություն զգացվեց նոր բանվորական ավաններ կառուցել։ 1946 թ. ՀԿԿ Կենտրոնական կոմիտեն և Մինիստրների սովետը հատուկ կոշով դիմեցին հանրապետության աշխատավորությանը՝ ակտիվորեն մասնակցել հիդրոկայանի կառուցմանը։ Դրանից հետո մեծ քանակությամբ բանվորական ուժ եկավ կառույց¹։

Շինարարությունը հատկապես մեծ թափ ստացավ Հայաստանի կոմերիտ-միության XIII համագումարից հետո, որը շինարարության շեֆությունը վերցրեց իր վրա և հիդրոկայանը հայտարարեց երիտասարդական կառույց²։ Ամենուրեք երիտասարդների հավաքներ էին կազմակերպվում, որոնք վերածվում էին հայրենասիրական ցույցի։ Հայրենանվեր գործին ծառայելու զգացումը համակում էր բոլորին։ Ախտայի շրջանից միայն մեկ հավաքով կառույց են մեկնում 200 երիտասարդներ, մեծ մասամբ՝ իրենց կոմերիտական կազմակերպության քարտուղարների հետ։ Սուլակ գյուղից շինարարություն են մեկնում 25 կոմերիտականներ, Ալափարսից՝ 22, կոմերիտկազմակերպության քարտուղար Ավետիք Ավետյանի հետ³։ 1948 թ. կառույցում աշխատում էին Ներքին Ախտայից՝ 41, Սուլակից՝ 40, Վերին Ախտայից՝ 30, Աթարբեկյանից՝ 39, Ռնդամալից՝ 58, Ալափարսից՝ 40 հոգի, Արքելից՝ գյուղի բնակիչների մեծ մասը⁴։

Մեծ քանակությամբ հայրենադարձներ են մեկնում շինարարություն, նրանք բուռն հայրենասիրությամբ են մասնակցում կառույցի աշխատանքներին։ Ճերկար տարիներ թափառելով օտար երկրներում, մենք՝ հայրենաբաղձ հայերս, անընդհատ երազել ենք տեսնել մեր հարազատ հայրենիքը, մասնակցել նրա ծաղկման ու բարգավաճման գործին։ Հայրենիք վերադառնալու առաջին օրից աշխատում եմ Գյումուշգէսի շինարարության Ախտայի տեղամասում որպես հյուան, այժմ ես ինձ ուրախ ու երջանիկ եմ զգում, որ իմ աշխատանքային քրտինքը թափում եմ հարազատ հայրենիքի զարգացման համար», դրում էր հայրենադարձ Արշավիր Արզումանյանը⁵։ Նա և իր բրիգադի անդամները ոչ միայն գործով, այլև ինքնագործունեության խմբի համերգներով ոգևորում են շինարարներին։

Բանվորների թիվն զգալիորեն ավելացավ հայրենադարձ հայերի հաշվին։ 1947 թ. շինարարությունում աշխատում էին 398 հայրենադարձներ⁶։

¹ Տե՛ս Հայհիդրոէներգաշինի ընթացիկ արխիվ, դիմումների թղթա-պանակ և հրամանների գիրք, 1946։

² Տե՛ս ՀԿԿ XIII համագումարի որոշումը, Երևան, 1947։

³ Տե՛ս «Լենինի դրոշմ», № 5, 1948։

⁴ ՄԼԻ-ի հայկական մասնաճյուղի արխիվ, ֆ. 23, ց. 4, գ. 236, թ. 7։

⁵ «Ավանդարտ», № 9, 1948։

⁶ Տե՛ս ՀՍՍՀ ՀՀՍՇ ՊԿԱ, ֆ. 163, ց. 17, դ. 756, թ. 46։

Բանվորական ուժի հավաքագրման գործում կարևոր նշանակություն ունեցավ ՀԿ(Բ)Կ XIV համագումարը և ՀԿ(Բ)Կ ԿԿ 1949 թ. չորրորդ պլենումը: Քրե-նուսթյան առնելով Գյումուշի շինարարության ընթացքը, պլենումն արձանագրեց, որ էլեկտրակայանի կառուցումը Հայկական ՍՍՀ-ի բոլոր կուսակցական-ների պատվի գործն է: Հանրապետության բոլոր շրջկոմներն ու քաղկոմները պլենումի որոշումներով պարտավորվում էին շինարարությունն ապահովել բանվորական ուժով⁷: Պլենումից հետո մեծ հոսք սկսվեց դեպի շինարարու-թյուն: Սկանգէսից եկան շուրջ 700 որակյալ բանվորներ, ինժեներներ ու տեխ-նիկներ: 1500 բանվորներ աշխատանքի եկան Սովետական Միության տարբեր քաղաքներից⁸:

Բանվորական ուժի հոսքը պայմանավորում է արդեն հիմնադրված ավանի մեծացումն ու բարեկարգումը: Մինչև 1948 թ. ավանն անվանվում է Ալափար-սի տեղամաս, Ախտալի տեղամաս № 1, 7-րդ ավան, ապա՝ առաջին անգամ 1948 թ.՝ Լուսավան⁹: Այս անունը կապվում է կառուցվող էլեկտրակայանի հետ, որը շրջակայքում էլեկտրական լույս ունեցող միակ ավանն էր: Կայանի կա-ռուցման ընթացքում է ծնվում նաև Լուսակերտ ավանը, որի անունը խորհրդա-նշում է կայանի ստեղծագործ ուժը:

Մի քանի տարվա ընթացքում Զաւնգլի ձախ ափին, որտեղ առաջ միայն քարակույտեր էին, խոյանում են էլեկտրակայան կառուցողների բնակելի շեն-քերը, և կարճ ժամանակամիջոցում գոյանում է բանվորաշատ մի ավան: Այժմյան ներտաշ հաստոցների գործարսմի տեղում կառուցվում է տեխնիկա-յի վերանորոգման բազա (մինչև հիմա էլ տեղացիները քաղաքի այդ մասն ան-վանում են ռեմդե (ремонтный завод): Սա Լուսավանի առաջին ձեռնարկու-թյունն էր:

Ինչո՞ւ հատկապես այստեղ հիմնադրվեց ավանը, որո՞նք են դրան նպաս-տող պայմանները.

ա) Բնակավայրը հեռու չէր Գյումուշգէսից, և նրա բանվորներն, առանց փոխադրամիջոցի կարող էին մասնակցել կառույցի բոլոր հանգույցների աշ-խատանքներին: Սա բանվորների մի զգալի մասի համար սմբնահարմար բնա-կավայրն էր: Հեռու չէր նաև Ախտալից:

բ) Տեղը հարթ էր և հարմար՝ հետագայում զարգանալու համար:

գ) Երևան—Հրազդան երկաթգիծն անցնելու էր ավանի մոտով, որը կիսա-ներա զարգացումը¹⁰:

դ) Ալափարսի քարհանքերը՝ ավանից չորս կմ. հեռու գտնվող բլուրները, որոնց մոտով երկաթգիծն էր անցնում, անսպառ աղբյուր էին պեմզաբլոկի, աղյուսի, կղմինդրի գործարաններ հիմնելու համար: Ավելին, հետագայում այդ քարհանքերից ստացված պեմզա-բետոնը լայն կիրառություն ստացավ հիդրոտեխնիկական աշխատանքներում: Աշխարհում առաջին անգամ պեմզա-բետոն օգտագործվեց հիդրոտեխնիկայի մեջ¹¹:

⁷ Տե՛ս ՄԼԻ-ի հայկական մասնաճյուղի արխիվ, ֆ. 81, ց. 20, դ. 14:

⁸ Տե՛ս Տ. Կ. Ս ա ղ ա թ ե լ յ ա ն, Հայաստանի կոմունիստական կուսակցությունը հան-րապետության էլեկտրիֆիկացման կազմակերպիչ, Թեկն. դիսերտ., Երևան, 1964, էջ 78:

⁹ Տե՛ս ՀՍՍՀ ՀՀՄԵ ՊԿԱ, ֆ. 163, ց. 17, գ. 756, թ. 52:

¹⁰ Երևան—Ախտալի երկաթգիծի կառուցումը ավարտվում է 1951 թ.: Նոյեմբերի 29-ին առաջին զննքը Երևանից ժամանում է Լուսավան:

¹¹ Տե՛ս Гидротехнический бетон на лентоидной пемзе, Изд. АН Арм. ССР, 1958.

Լուսավանի զարգացման համար կարևոր նշանակություն ունեցավ խճուղու կառուցումը մինչև կայանի գլխավոր հանգույցը, որով ավանը կապվեց հանրապետության տնտեսական շրջանների հետ: Ոչ պակաս նշանակություն ունեցավ ջրմուղի կառուցումը:

Մինչև 1948 թ. Լուսավանում առանձին տեղիտորիալ կուսակցական կազմակերպություն չի եղել: Առաջին կուսկազմակերպությունը այնտեղ ստեղծվում է 1948 թ. դեկտեմբերին (քարտուղար է ընտրվում Ա. Փանոյանը)¹²:

Շինարարության ղեկավարության և կուսակցական կազմակերպության ջանքերով 1949 թ. բոլոր ընտանիքները վրաններից տեղափոխվում են բնակարաններ: Արդեն 1949 թ. վերջերին բնակելի ժամանակավոր և հիմնական կառույցներն ունեին 10.193 քառակուսի մետր տարածություն¹³:

Լուսավանի հիմնադրման աշխատանքներին ակտիվորեն մասնակցել են և մեծ ավանդ ունեն շատ-շատերը: Սկզբից մինչև վերջ այնտեղ է աշխատել որմնադիր Եղիշե Հարությունյանը, որն աճեցրել է շատ անվանի վարպետներ՝ Ա. Ռոստոմյան, Հ. Ավագյան, Ս. Սարիբեկյան և ուրիշներ¹⁴: Որմնադիր Կարլեն Սեդրակյանը քսան աշակերտ է պատրաստել, Արմենակ Քերոբյանը և իր կոմբիտական որդին՝ Սաղաթելը, որը 15 տարեկանից շինարար է աշխատել, չորս տարի օր-օրի շենքեր են բարձրացրել: Ավանի շինարարության հարվածայիններ են որմնադիրներ Մ. Կարապետյանի, Մ. Բադալյանի բրիգադները:

Հարվածային շինարարության կուլեկտիվը 1952 թ. համամիութենական, սոցիալիստական մրցության մեջ հաղթող է ճանաչվում: Մինգեչաուրի հիդրոէլեկտրակայանի հետ մրցությունում հաղթող են ճանաչվում գլխավոր հանգույցի լեռնագործ հորատողների վեց բրիգադները, նրանց թվում Ա. Ղազարյանի, Ա. Իսախանյանի, Ա. Հարությունյանի ղեկավարած բրիգադները, որոնք նվաճում են ՀԱՄԿ-ի ու ՍՍՀՄ էլեկտրակայանների մինիստրության փոխանցիկ կարմիր դրոշը և առաջին մրցանակ: Երկրորդ կարգի մրցանակներով են պարգևատրվում կոմբիտական ստախանովականներ Ա. Նիկողոսյանի, Մ. Պողոսյանի, է. Թադևոսյանի ղեկավարած թունելագործ բրիգադները: ՍՍՀՄ Գերագույն սովետի նախագահության 1952 թ. մայիսի 28-ի հրամանագրով շինարարության աշխատողների մի մեծ խումբ պարգևատրվում է կառավարական բարձր պարգևներով, այդ թվում՝ մեծավաստակ շինարար, շինարարության պետ Գ. Հ. Աղաբաբովը, շինարարության գլխավոր ինժեների տեղակալ Լ. Ա. Զարագյանը, նախագծային տեխնիկական բաժնի պետ Ա. Ա. Խոջա-էյ-նաթովը՝ «Կարմիր դրոշի» շքանշանով, 53 հոգի՝ «Աշխատանքային արիության համար» և «Աշխատանքային գերազանցության» համար մեդալներով¹⁵:

1953 թ. ապրիլի 20-ին ավարտվում են էլեկտրակայանի առաջին հերթի շինարարության աշխատանքները: Երկու ագրեգատները շահագործման հանձնելու կապակցությամբ մի խումբ աշխատողներ ներկայացվում են կառավարական բարձր պարգևի: Վարդան Զուրաբյանը պարգևատրվում է Լենինի շքանշանով, 6 հոգի՝ «Աշխատանքային կարմիր դրոշի» շքանշանով, 10 հոգի՝ «Աշ-

12 Տե՛ս ՄԼԻ-ի հայկական մասնաճյուղի արխիվ, ֆ. 23, ց. 4, գ. 248, թ. 6:

13 Տե՛ս Հայհիդրոէներգաշինի ընթացիկ արխիվ, Գյումուզգետի 1949 թ. տարեկան հաշվետվություն:

14 Տե՛ս «Հարվածային շինարարություն», № 19, 1950:

15 Տե՛ս «Հարվածային շինարարություն», № 9, 1952:

խատանքային արիություն համար՝ և 34 հոգի՝ «Աշխատանքային գերազանցություն» համար՝ մեղալիներով¹⁶։

1954 թ. ավարտվում է հիդրոկայանի կառուցումը, մեխանիզմները հավաքվում են, ապամոնտաժվում, տեղափոխվում Սևանի ու Արզնու էլեկտրակայանների շինարարությունում օգտագործելու համար։

Լուսավանի, ինչպես նաև Ախտայի (Հրազդան) շրջանի համար վճռական նշանակություն ունեցավ Հայաստանի կոմունիստական կուսակցության XVIII համագումարը (1956), որը դարավոր գյուղատնտեսական շրջանի համար ուղեգծեց ժամանակակից արդյունաբերության բարձր մակարդակ ապահովող մի շարք ձեռնարկությունների կառուցման ծրագիր, որով շրջանը կարճ ժամանակամիջոցում փոխելու էր իր դեմքը։

Լուսավանի հետագա զարգացման համար կարևոր նշանակություն ունեցան ՍՍՀՄ ժողովրդական տնտեսության զարգացման 1956—1960 թթ. հնգամյա պլանի վերաբերյալ ՍՄԿԿ XX համագումարի դիրեկտիվները, որոնք ինչպես Սովետական Միության, այնպես էլ Սովետական Հայաստանի տնտեսության զարգացման նոր հեռանկարներ էին բացում¹⁷։ Ի թիվս հանրապետության այլ շրջանների, մեծ և կարևոր խնդիրներ էին դրվում Ախտայի շրջանի աշխատավորության առջև։ Շրջանում արդյունաբերական ձեռնարկություններ կառուցվելու էին միայն Լուսավանում։ Այստեղ հիմնադրվելու էին ոչ միայն հանրապետական, այլև անդրկովկասյան նշանակության ձեռնարկություններ։ Հանրապետությունում և Անդրկովկասում զարգացող մեքենաշինության պահանջները բավարարելու համար Լուսավանում հիմնադրվում էին կենտրոնական ձուլարան և գործիքաշինական գործարաններ¹⁸։ Ներտաշ հաստոցների գործարանը արտադրելու էր ՍՍՀՄ-ում արտադրվող ամենաարագ հաստոցներից մեկը։ Լուսավանում կառուցվելու էր նաև երկաթբետոնյա կառուցվածքների գործարան, որը ապահովելու էր հանրապետության հիդրոէլեկտրակայանների շինարարության, ինչպես նաև այլ կառույցների պահանջները։

Ախտայի շրջանի և Լուսավանի զարգացման գործում հսկայական դեր ունեցան ՍՄԿԿ XXII արտահերթ համագումարի և ՀԿԿ XX համագումարի որոշումները¹⁹, որոնք յոթնամյակում նախատեսում էին արդյունաբերության աննախընթաց աճ։ ՀԿԿ XX համագումարն Ախտայի շրջանում նախագծում էր հսկա արդյունաբերական ձեռնարկությունների կառուցում։ Նախատեսվում է փոխել շրջանի դեմքը և այնտեղ արդյունաբերության կարևորագույն կենտրոններ ստեղծել՝ Հրազդան և Լուսավան։

Այս ձեռնարկությունների կառուցումը պահանջում էր մեծ քանակությամբ բանվորական ուժ։ ՀԿԿ Ախտայի շրջանային կոմիտեն բանվորների հավաքագրում է կազմակերպում։ Սակայն միևնույն ժամանակ հրահանգ էր տրվում հավաքագրումն այնպես կազմակերպել, որ գյուղատնտեսական աշխատանքները չտուժեն։ ՀԿԿ Ախտայի շրջանային կոմիտեն խնդրում է ՀԿԿ կենտրոնական կոմիտեին՝ վերադաս կազմակերպություններին ցուցում տալ արագացնե-

¹⁶ Նույն տեղում, 16. XI. 1953.

¹⁷ Տե՛ս Ս. Հ. Ք ո վ մ ա ս յ ա ն, ՀԿԿ ԿԿ հաշվետու զեկուցումը ՀԿԿ XVIII համագումարին, 1956, էջ 32։

¹⁸ Տե՛ս ՄԼԻ-ի հայկական մասնաճյուղի արխիվ, ֆ. 23, ց. 19, գ. 20, թ. 63։

¹⁹ Տե՛ս Բանաձև Հայաստանի կոմունիստական կուսակցության արտահերթ XX համագումարի, 1959, էջ 8—9։

լու ձեռնարկությունների կառուցման աշխատանքները²⁰։ Ձեռնարկված միջոցառումների շնորհիվ 1958 թ. աշնանը հիմնականում պատրաստ էր երկաթ-բետոնյա կառուցվածքների գործարանի շորացման շենքը։ Գործարանի լրիվ շահագործման հանձնելու աշխատանքներին զուգընթաց, ձեռնարկությունում սկսվում են արտադրական աշխատանքները։ Այդ գործում մեծ ավանդ է ներդրել ձեռնարկության անփոփոխ դիրեկտոր Մ. Սալյանը։ Գործարանի նախագծային կարողությունը կազմում է 40 հազար խորանարդ մետր կառուցվածք, որին հասնելու համար անհրաժեշտ էին մի շարք օժանդակ կառույցներ, տեղամասեր, որոնք կառուցվում են յոթնամյակի առաջին տարիներին։

Մյուս ձեռնարկությունների շինարարական աշխատանքներն արագացնելու գործում էական դեր է խաղում Արզնու և Գյումուշի հիդրոկայանների շինարարական վարչության Լուսավան տեղափոխելը։ Վարչությունը վերանվանվում է Հիդրոէներգաշինի Լուսավանի շինարարական վարչություն։ Շրջանային կուսակցական կոմիտեն շինվարչության առջև խնդրի է դնում արագացնել հաստոցաշինական գործարանի կառուցումը, ուղարկություն դարձնել շինարարական աշխատանքների որակի բարձրացմանը²¹։ Շինմասի պետ Ա. Նոյանը կարճ ժամանակում նորոգում է շենքը, արագացնում շինարարական աշխատանքների ընթացքը, և 1959 թ. հուլիս ամսին ձեռնարկության շենքը պատրաստ էր արտադրանքի առաջին նմուշները թողարկելու համար։ Հոկտեմբերին պատրաստվում է առաջին նմուշը, և սկսվում է կոլեկտիվի ստեղծագործական բեղուն կյանքը։ Համարյա նույն ժամանակաշրջանում շահագործման է հանձնվում գործարանին կից ձուլման ցեխը՝ ապագա կենտրոնական ձուլարանի առաջին արտադրամասը։

Լուսավանի ամենամեծ արդյունաբերական ձեռնարկությունը գործիքաշինական գործարանն էր, որի կազմում էր նաև կենտրոնական ձուլարանը։ Նրկու ձեռնարկությունները զբաղեցնում էին շուրջ 35 հեկտար տարածություն, 1958 թ. վերջերին զբաղեցնում էին գործարանի բոլոր հիմնական կառույցների հիմքերը, մոտավորված էին 500 հատ 18 մետր բարձրությամբ սյուներ, ավարտման էին մոտենում շուգունաձուլական մասնաշենքի քարային աշխատանքները։

Հայաստանի Ժողտնտխորհը, ելնելով այն բանից, որ հաստոցաշինական, մեքենաշինական ձեռնարկությունների ձուլվածքի կարիքը մեծ է, որոշում է դադարեցնել գործիքաշինական գործարանի հիմնական կառույցների շինարարությունը և դրան հատկացված միջոցները, առկա բանվորական ուժը տրամադրել կենտրոնական ձուլարանի շինարարությանը, որպեսզի ձեռնարկությունը 1960 թ. արտադրանք տա²²։ Այս որոշումը կայացվել էր հապճեպ, առանց խորամուխ լինելու շինարարական աշխատանքների ընդհանուր վիճակի մեջ։ Բանն այն է, որ գործարանի շինարարությունն ընթանում էր ամբողջ բարդ կոմպլեքսով։ Այս շրջանում կառուցվում էին միայն ձեռնարկության ցեխերը, իսկ ջերմակայանի, ջրմուղի, կոյուղու և, որ ամենակարևորն է, երկաթուղագծի հատվածի շինարարական աշխատանքները չէին սկսվել, նույնիսկ դրանց տեխ-

²⁰ Տե՛ս ՄԼԻ-ի հայկական մասնաճյուղի արխիվ, ֆ. 23, ց. 19, գ. 37, ք. 14։

²¹ Տե՛ս նույն տեղում, գ. 72, ք. 135։

²² Տե՛ս Զարենցավանի կենտրոնական ձուլարանի ընթացիկ արխիվ, Ժողտնտխորհի 1959 թ. հրամանները։

նիկական փաստաթղթերը չէին պատրաստվել: Առանց հիշյալ աշխատանքների, գործարանի որևէ ցեխի շահագործման հանձնումն անհնար էր դառնում:

Շրջանային կուսակցական կոմիտեն, քննության առնելով այս հարցերը, ճիշտ է կողմնորոշվում և հարց է հարուցում ՀՍՍՀ Մինիստրների սովետի առջև կարճ ժամկետում վերանայել գործիքաշինական գործարանի շինարարության պլանները և միջոցառումներ ձեռնարկել շինարարությունն ամբողջ կոմպլեքսով շարունակելու համար: Այս հարցն ամբողջ սրությամբ դրվում է նաև շրջանային կուսակցական ակտիվի ժողովում²³:

Շրջանային կուսակցական ակտիվի ժողովի և կուսակցական կոմիտեի ազդանշանները կասեցնում են ժողտնտիսորհի սխալ պլանավորումը, և աշխատանքները շարունակվում են թե՛ գործիքաշինական գործարանի, և թե՛ կենտրոնական ձուլարանի շինարարության ուղղությամբ:

Կենտրոնական ձուլարանը, որ գրավում էր 17 հեկտար տարածություն, արագ թափով կառուցվում էր: ՍՄԿԿ XXII համագումարի որոշումները կատարելու համար ծավալված սոցիալիստական մրցության առջևից էին ընթանում Ա. Ավետիսյանի ղեկավարած որմնադիրների և շինարարական տեխնիկումի շրջանավարտ Հ. Կոժոյանի արմատուրագործների բրիգադները: Արմատուրագործներ Ի. Ասրյանը, Վ. Մեջլումյանը արտադրական առաջադրանքները կատարում են 120—150 տոկոսով: Նրանց ակտիվորեն օգնում են հյուսններ Ա. Այվաղյանը, Լ. Կարապետյանը և ուրիշներ: Որմնադիր Սուրեն Մաղաքյանը մըշտապես գերակատարում էր օրվա առաջադրանքները²⁴, Շինարարության բանվորական կոլեկտիվը հետևում էր Աթարբեկյանի հիդրոկայանի շինարարների օրինակին, որոնք ժամկետից շուտ, Հոկտեմբերյան հեղափոխության տարեդարձի նախօրյակին գործարկեցին հիդրոկայանը՝ ոգևորություն ու խանդավառություն հաղորդելով ոչ միայն շրջանի, այլև հանրապետության բոլոր շինարարական ու արտադրական կոլեկտիվներին:

Շինարարության վարչության Լուսավան տեղափոխվելը դրականապես անդրադարձավ գործիքաշինական գործարանի և կենտրոնական ձուլարանի աշխատանքների վրա: Նորաստեղծ սկզբնական կուսակցական կազմակերպության աշխատանքը (քարտուղար Գ. Համազասպյան) դրական օրինակ հանդիսացավ մյուս կազմակերպությունների ու արտադրական ձեռնարկությունների համար: ՀԿԿ Հրազդանի (Ախտան վերանվանվեց Հրազդան) շրջանային XXIX կոնֆերանսը, որը գումարվեց 1959 թ. դեկտեմբերի 2-ին, ամփոփեց շինարարական վարչության տասը ամիսների աշխատանքների արդյունքները՝ առաջադրանքները կատարվել էին 109,6 տոկոսով, կամ պլանով նախատեսված 16.780 հազար ռուբլու դիմաց իրացվել էր 18.384 հազար ռուբլի: Մեկ բանվորի միջին արտադրողականությունը կազմել էր 107,5 տոկոս²⁵:

Ի պատիվ գումարվող հուլիսյան պլենումի ծավալվում է սոցմրցություն, որի առջևից էին ընթանում Լևոն Սողոմոնյանի, Տիգրան Սայադյանի ղեկավարած բրիգադները²⁶: Բազմաթիվ տղամարդկանց հետ շինարարական հրապարակներում իրենց ավանդն են ներդնում նաև լուսավանցի կանայք: Ռ. Մու-

²³ Տե՛ս ՄԼԻ-ի հայկական մասնաճյուղի արխիվ, ֆ. 23, ց. 18, գ. 72, թ. 122:

²⁴ Տե՛ս «Լենինի գրող», № 64, 1959:

²⁵ Տե՛ս ՄԼԻ-ի հայկական մասնաճյուղի արխիվ, ֆ. 23, ց. 19, գ. 66, թ. 32:

²⁶ Տե՛ս «Լենինի գրող», № 54, 1960 թ.:

րադյանի բրիգադը, որ կազմված էր միայն աղջիկներից, առաջադրանքները կատարում էր 140 տոկոսով: Հատկապես աչքի են ընկնում շինարարներ Ն. Ե-լիզարյանը, Լ. Սահակյանը, որոնք առաջադրանքները կատարում են 160—180 տոկոսով:

ՀԿԿ Հրազդանի շրջանային կոմիտեն ամեն ինչ անում է, որպեսզի գործիքաշինական գործարանը 1961 թ. շահագործման հանձնվի: Առհասարակ պործարանի շինարարական աշխատանքները շրջանային կուսակցական կոնֆերանսներում, պլենումներում, ակտիվի ժողովներում մշտապես առաջին պլանին են դրվել: Այսպես, 1960 թ. մարտի 15-ին կայացած ՀԿԿ Հրազդանի շրջանի կուսակցական ակտիվի ժողովը, որ նվիրված էր ՀԿԿ XXXI համագումարի արդյունքներին ու կուսակցական կազմակերպությունների խնդիրներին, նշեց, որ զգալիորեն բարելավվել են արդյունաբերության շինարարական աշխատանքները: Գործիքաշինական գործարանի և կենտրոնական ձուլարանի շինարարական աշխատանքները ապահովել էին պետական առաջադրանքների կատարումը, և կուսակցական ակտիվի ժողովը ջերմ դրվատանքի խոսք ասաց շինարարներին և հույս հայտնեց, որ նրանք ձեռնարկության առաջին հերթի աշխատանքները կավարտեն 1961 թ.²⁷:

Ակտիվի ժողովը հարց է բարձրացնում ՀՍՍՀ Ժողտնտխորհի առջև գործարանի ձուլման կոմպլեքսն անհրաժեշտ սարքավորումներով ապահովելու մասին, որպեսզի հնարավոր լինի գործարանի առաջին հերթի աշխատանքներն, ավարտել 1961 թ.²⁸: Սակայն Ժողտնտխորհը միայն 1961 թ. փետրվարին է հրահանգ տալիս մասնաճյուղային վարչություններին, ի թիվս մյուս ձեռնարկությունների, բավարարել նաև գործիքաշինական գործարանի պահանջները²⁹, Դա խիստ ետ է գցում ձեռնարկության շին-մոնտաժային աշխատանքները և հարվածում պետական առաջադրանքների կատարմանը: Շինարարական վարչությունը ժամանակին չկարողացավ իրացնել նախատեսված 4 մլն. ռուբլի³⁰:

Պահանջված շինանյութերն ու սարքավորումն ստանալուց հետո, բանվորական ուժի մի զգալի մասը ժամանակավորապես տեղափոխվում է ձուլարանի ստանդարտ և ոչ ստանդարտ սարքավորումների մոնտաժման աշխատանքների վրա: Սակայն աշխատանքները շատ դանդաղ էին ընթանում: Երկաթուղու հատվածի ժամանակին չհասցնելը և բանվորական ուժի պակասը լուրջ կերպով խոչընդոտում էին գործիքաշինական ձեռնարկության ու ձուլարանի կառուցման ընթացքին: Շինարարության կոլեկտիվն ուժերի վերջին լարումով միայն կարողանում է տարվա առաջին ամիսների պլանները կատարել: Մեծ աշխատանք է թափել Շ. Մելքոնյանի բրիգադը, որը աշխատանքային առաջադրանքները կատարում էր 120—130 տոկոսով³¹:

Առաջադրանքների կատարմանը նպաստեց Հրազդանի լեռնա-քիմիական կոմբինատի շինարարության կոմպլեքսային բրիգադի (բրիգադիր Ռուրիկ Բադրատյան) փորձի տարածումը: Բրիգադը, որ կազմված էր միայն կոմերիտականներից, շինանյութերի խնայողության պահեստ էր ստեղծել, որով պետք է

27 Տե՛ս ՄԼԻ-ի հայկական մասնաճյուղի արխիվ, ֆ. 23, ց. 19, գ. 90, թ. 14:

28 Տե՛ս նույն տեղում, թ. 42:

29 Տե՛ս Զարենցավանի գործիքաշինական գործարանի (այսուհետև ԶԳԳ) ընթացիկ արխիվ: Ընդհանուր բաժին, ՀՍՍՀ Ժողտնտխորհի 1961 թ. փետրվարի 17-ի որոշման 3, 4 կետերը:

30 Տե՛ս «Լենինի դրոշմով», № 24, 1961:

31 Նույն տեղում:

40 մահճակալանոց մանկամասուրի շենք կառուցելին: Ամեն աշխատող 24 ժամ շաբաթօրյակի էր դուրս գալիս: Այս փորձը մեծ տարածում ստացավ Հրազդանի շրջանի բոլոր շինարարական ձեռնարկություններում, այդ թվում նաև գործիքաշինական գործարանի և ձուլարանի շինարարական մասերում: Շինարարական նյութերի խիստ խնայողությամբ նրանք կարողանում են կառուցել ավելին, քան պահանջվում էր պետական նորմատիվով:

Շինարարության կոլեկտիվի կազմակերպված աշխատանքը, մատակարարման բաժնի աշխատանքների բարելավումն ապահովեցին 7 ամսվա պետական առաջադրանքների կատարումը: Լավագույն աշխատանքի արդյունքը հղավ այն, որ կոլեկտիվը ժամկետից շուտ հանձնեց մոդելային ու մեխանիկական ցեխերը, որոնք և տվեցին ձեռնարկության առաջին արտադրանքը՝ 65 հազար ռուբլու համախառն արտադրանք (գների նոր մասշտաբով)³²:

ՀԿԿ Հրազդանի շրջանային կոնֆերանսը՝ ամփոփելով յոթամյակի երրորդ տարվա յոթ ամսվա առաջադրանքների կատարումը, ոգևորությամբ արձանագրեց նոր ձեռնարկության առաջին խոստումնալից քայլերը, ՀՍՍՀ Ժողտնտիսորհի առջև հարց է բարձրացնում ավելացնել շինարարության ֆինանսավորումը, Հայհիդրոէներգաշինի շինարարության վարչության առջև խնդիր է դնում գործող ցեխերի ու տեղամասերի աշխատանքն ապահովելու համար շահագործման հանձնել շեռուցման համակարգը, ջրմուղը, կոյուղին, օդափոխիչ համակարգը, հնոցային տնտեսությունը և բնական գազի մայրուղին, կարճ ժամանակամիջոցում ավարտել ստացված սարքավորումների ու մեքենաների տեղադրման աշխատանքները: Կոնֆերանսը շինարարներին պարտավորեցնում է 1962—63 թթ. շահագործման հանձնել գլխավոր ցեխերն ու արտադրամասերը³³:

Գործարանի դիրեկտոր Գ. Ռուսովի, կուկազմակերպության քարտուղար Ի. Ա. Սարգսյանի և մյուսների ջանքերով ձեռնարկության աշխատանքը կարգավորվում է: 3-րդ և 4-րդ եռամսյակներում պատրաստվում է բռնկվող նյութերի պահեստը, բարելավվում են միջգործարանային ճանապարհները, զգալի գործ է կատարվում հսկայական շոգեկաթսայի կառուցման ուղղությամբ, որը շոգի էր մատակարարելու մյուս ձեռնարկություններին և ավանի բնակելի շենքերին³⁴: ՀՍՍՀ Ժողտնտիսորհը որոշում է «մոնտաժման պատասխանատվությունը թողնել ձեռնարկության սեփական ուժերի վրա և ձեռնարկության գործարկումը ապահովել 1962 թ. 4-րդ եռամսյակում»: Ձեռնարկության ընդհանուր կուտակեցական ժողովը քննելով ՀԿԿ Կենտրոնական կոմիտեի բյուրոյի որոշումը ձուլարանը դեկտեմբերի 1-ին շահագործման հանձնելու մասին, հանրագումարի է բերում նախորդ տարվա աշխատանքի արդյունքները, քննադատում առանձին պատասխանատու աշխատողների ու բաժինների աշխատանքների թերությունները³⁵: Սակայն առաջին կիսամյակում անբավարար էր կառույցի շին-մոնտաժային աշխատանքների կատարման ընթացքը³⁶: Չուգունի ձուլման մասնաշենքի շինարարական աշխատանքների պլանը կատարվել էր միայն 40,5 տոկոսով, ներգործարանային երկաթուղագծի կառուցումը՝ 21,6,

32 ՏՆՍ ԶԳԳ ընթացիկ արխիվ, ընդհանուր բաժին, 1961:

33 ՏՆՍ ՄԼԻ-ի հայկական մասնաճյուղի արխիվ, ֆ. 23, ց. 19, գ. 103, թթ. 38—43:

34 ՏՆՍ «Լենինի դրոշմ», № 102, 1961 թ.:

35 ՏՆՍ ԶԳԳ ընթացիկ կուս. արխիվ, 1962 թ. փետրվ. 15-ի ժողովի որոշումը:

36 ՏՆՍ ՄԼԻ-ի հայկական մասնաճյուղի արխիվ, ֆ. 23, ց. 19, գ. 124, թ. 9:

շրամատակարարումը՝ 15, կոմպրեսորների կայանը՝ 67,5, էլեկտրամատակարարումը՝ 72,8 տոկոսով, պլանով նախատեսված 12690 հազար ռուբլու դիմաց կատարված են 4260 հազար ռուբլու շինարարական աշխատանքներ³⁷։ Արձանագրելով շինարարության անբավարար ընթացքը, 1962 թ. օգոստոսի 3-ին ՀԿԿ Հրազդանի շրջկոմի բյուրոն միաժամանակ գործնական միջոցառումներ է մշակում շինարարական աշխատանքները ռացիոնալ ձևով կազմակերպելու և բանվորական ուժի հոսունությունը դադարեցնելու ուղղությամբ։ Շինարարության վարչության ղեկավարներին պարտավորեցնում է երկու օրվա ընթացքում կազմակերպել շինարարական վարչության տեղամաս, առանձնացնել համապատասխան աշխատողներ։ Տեղամասի պետ է նշանակվում Ն. Ղազարյանը։ Շինարարությունը, մյուս շինկազմակերպությունների հաշվին ապահովվում է սնահրաժեշտ փոխադրամիջոցով։

Ձեռնարկված միջոցառումների շնորհիվ շինարարության աշխատանքները նոր թափով են ծավալվում։ Զուգարանի կոլեկտիվի և շինարարական վարչության երկարատև տքնաշան աշխատանքի շնորհիվ 1963 թ. փետրվարի 13-ին շարք է մտնում կենտրոնական ձուլարանը։ Գործարանի մեխանիկական բաժանմունքում տեղի է ունենում աշխատավորների բազմամարդ միտինգ, որին մասնակցելու էին եկել ամբողջ Լուսավանի ու Հրազդանի և շրջակա գյուղերի բնակիչները։ Միտինգը բացում է հանրապետության Մինիստրների սովետի նախագահ Ա. Քոչինյանը։ «Մինչև այժմ, — ասում է նա, — մենք ձուլվածք էինք ստանում երկրի հեռավոր վայրերից, ներկայումս նոր ցեխի լրիվ գործարկմամբ հնարավորություն կունենանք ապահովելու հանրապետության հաստոցաշինական գործարանների պահանջները»³⁸։

Զուգույնի ձուլվածքի կոմպլեքսի շինարարական մոնտաժային աշխատանքները բարձր որակով կատարելու համար գործիքաշինական գործարանի շինարարական վարչության և ենթակապալառու կազմակերպությունների մի խումբ աշխատողներ պարգևատրվում են ՀՍՍՀ Գերագույն սովետի պատվոգրով³⁹։

Գործիքաշինական գործարանի կառուցումը մեծ նշանակություն ունեցավ Լուսավանը քաղաքի վերածելու գործում։ Մեծ քանակությամբ բանվորներ տեղափոխվեցին ավան և ապահովվեցին աշխատանքով, լայն թափով ծավալվեց բնակարանային շինարարությունը, երևան եկան բազմաթիվ բարձրահարկ բնակելի շենքեր։

Այսպիսով, Լուսավանի արդյունաբերական կենտրոնն ստեղծվում է յոթնամյակի կեսերին։ Իրար հետևից գործարկվում են չորս խոշոր արդյունաբերական ձեռնարկություններ, որոնք իրենց ուրույն տեղն ունեն հանրապետության արդյունաբերության զարգացման մեջ։ Երկաթ-բետոնյա կառուցվածքների գործարանը իր արտադրանքով ապահովում է ինչպես հիդրոկայանների, այնպես էլ արդյունաբերական կարևոր կառույցների շինարարության պահանջները։ Ներտաշ հաստոցների գործարանը մեծ գեր է կատարում ՍՍՀՄ-ում արդյունաբերական նոր ձեռնարկությունների գործարկման, ինչպես նաև գործող ձեռնարկությունների տեխնիկական վերակառուցման գործում։ Լուսավանի

³⁷ Տե՛ս նույն տեղում, թ. 9—11։

³⁸ «Սովետական Հայաստան», № 38, 1963 թ.։

³⁹ Տե՛ս Զարևոցականի շինվարչության ընթացիկ արխիվ, 1963 թ. հրամանների գիրք։

ներտաշ հաստոցները լայն ճանաչում են ստանում մեր երկրում, իսկ 1963—1964 թթ., տեխնիկական կատարելագործման ենթարկված հաստոցների նոր նմուշները հաջողությամբ արտահանվում են արտասահման: Գործիքաշինական գործարանն ու կենտրոնական ձուլարանը յոթնամյակի վերջում դառնում են առանձին արդյունաբերական ձեռնարկություններ: Հանրապետության հաստոցաշինական ու մեքենաշինական ձեռնարկությունները ապահովվում են ինչպես արդյունաբերական սարքավորումներով, այնպես էլ խոշոր դետալների սեփական ձուլվածքով: Այդ ձեռնարկությունների դերը մեծ է նաև Անդրկովկասի եղբայրական հանրապետություններում ծանր արդյունաբերության զարգացման գործում:

Լուսավանի արդյունաբերական համալիրը յոթնամյակում հանրապետության մեծ նվաճումներից է:

СОЗДАНИЕ ЛУСАВАНСКОГО ПРОМЫШЛЕННОГО ЦЕНТРА

Г. Т. СИМОНЯН

Р е з ю м е

XX и XXI съезды КПСС открыли новые перспективы для развития промышленности Армянской ССР. В Армении было создано 12 станкостроительных заводов. В Лусаване (ныне Чаренцаван), построенном в 1946—1962 гг. как поселок для строителей Гюмушгеса, также создавались крупные промышленные предприятия—инструментальный завод и центролит, а также завод расточных станков, известный по всей стране. С завершением строительства предприятий Лусаван стал промышленным городом, обеспечивающим инструментами и чугуном литьем машиностроительные и станкостроительные заводы республики.

ЦК КП и правительство Армении, а также Разданский районный комитет КП Армении и первичные партийные организации, вложили огромный труд в создание нового промышленного центра республики.